

Inatsisartut suleriaasiat § 37 imm. 1 naapertorlugu matumuuna Naalackersuisunut apeqqut imaattoq saqqummiuppara.

Naalackersuisunut apeqqut:

- 1. Namminersorlutik Oqartussat illuutinut, sulisunut il.il. sillimmasiinernut aningaasat qanoq amerlatigisut akiliutigisarpaat?**
- 2. Apeqqummut siullermut ilaliullugu Naalackersuisut isumaliutigisimanerlugu inuiaqatigiit aningaasarsiornerannut iluanaarutissaqarnerseq kalaallit sillimmasiisarfianik pilersitsinissaq?**

(Inatsisartunut Ilaasortaq Anthon Frederiksen, Partii Naleraq)

Tungavilersuut:

Ingerlaavartumik oqallisigisarparput qanoq iliornikkut nunatsinni aningaasat kaaviiartitagut amerlanerulersissinnaanerigut, uagullu Partii Naleqqami assut soqutigaarput suliami tassani suleqataanissarput, qularutiginninnatsigumi nunatsinniit aningaasat aniasut annikinnerulersissinnaagigut, tamannami inuussutissarsiornikkut ingerlatsinitsinnut suliffeqarnermullu pitsaasumik sunniuteqartussaammat, soorlutaaq inuiaqatigiit ineriartornerannut pitsaasumik sunniuteqassasoq.

Partii Naleqqamiit takorloorsinnaavarput Namminersorlutik Oqartussat, kommunit, inuit ataasiakkaat, ilaqutariippassuillu sillimmasiinermut akiliutaat nunatsinniit amerlanertigut Danmark-imut akiliutigineqartartut aningaasarparujussuunissaat.

Erseqqissaassutigissuarput, sillimmasiisarneq Partii Naleqqamiit minnerpaamilluunniit isornartorsiornianninnatsigu, kisianni-una eqqarsaatigillualerlugu – sillimmasiinermi aningaasat nunatsinni kaaviiartinneqarsinnaangaluartut, nunanut allanut aniatinneqartartut qanoq iliornikkut killilersimaarsinnaanerat iluatinnartutut isigigipput, tassa aningaasat nunatsinni sulisinnissaat pisariaqaqimmat.

Soorlu assersuutigalugu nunatsinni, nunatta pigisaanik sillimmasiisarfeqalernikkut.

Apeqqutip piaartumik akineqarnissaa piumasaraarput.